

Na osnovu člana 21. stav (2) tačka e) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i člana 80. stav (1) tačka b), a u vezi s članom 10. stav (9) Zakona o nabavljanju, držanju i nošenju oružja i municije ("Službene novine Kantona Sarajevo", broj 1/18), na prijedlog policijskog komesara, ministar unutrašnjih poslova Kantona Sarajevo donosi

PRAVILNIK

O NAČINU RADA KOMISIJA NADLEŽNIH POLICIJSKIH UPRAVA U UPRAVI POLICIJE MINISTARSTVA UNUTRAŠNJIH POSLOVA KANTONA SARAJEVO I DRUGIH U POSTUPKU OCJENE ISPUNJAVANJA UVJETA I OPRAVDANOSTI ZAHTEVA ZA DOBIJANJE ODOBRENJA ZA NABAVLJANJE ORUŽJA I PRAVU NA NAKNADU

DIO PRVI - OPĆE ODREDBE

Član 1. (Predmet)

Ovim pravilnikom uređuje se način rada komisija nadležnih policijskih uprava u Upravi policije Ministarstva unutrašnjih poslova Kantona Sarajevo (u daljnjem tekstu: Komisija) i drugih u postupku ocjene ispunjavanja uvjeta i opravdanosti zahtjeva za dobijanje odobrenja za nabavljanje oružja i izdavanje kolekcionarske dozvole u skladu s odredbama Zakona o nabavljanju, držanju i nošenju oružja i municije ("Službene novine Kantona Sarajevo", broj 1/18, u daljnjem tekstu: Zakon), način formiranja i sastav Komisije, pravo i naknada za rad u Komisiji, kao i druga pitanja od značaja za navedenu oblast.

Član 2. (Komisija)

- (1) Načelnik nadležne policijske uprave rješenjem formira Komisiju od tri člana koja će preduzimati poslove i zadatke iz člana 3. ovog pravilnika, kao i iz provedbenog propisa iz člana 80. stav (1) tačka f) Zakona (ista Komisija).
- (2) Komisiju iz stava (1) ovog člana sačinjavaju predsjednik i dva člana.
- (3) Predsjednik i prvi član Komisije su policijski službenici dok je drugi član Komisije viši samostalni referent za oružje kao stručni član Komisije.
- (4) Predsjednik i članovi Komisije su zaposlenici visokih moralnih, profesionalnih i stručnih kvaliteta koji raspolažu potrebnim sposobnostima i znanjem za kvalitetno, efikasno i zakonito obavljanje predmeta rada.
- (5) Komisija podnosi Izvještaj o radu za protekli mjesec.
- (6) Predsjedniku i članovima Komisije za obavljanje poslova propisanih ovim pravilnikom pripada naknada koju rješenjem određuje policijski komesar u skladu s odredbama ovog pravilnika i Pravilnika o uvjetima potrebnim za izdavanje odobrenja za obavljanje djelatnosti prometa oružja, bitnih dijelova oružja i municije, posredovanja u prometu oružja, bitnih dijelova oružja i municije, osnivanja civilnih strelišta, načinu čuvanja i držanja oružja, bitnih dijelova oružja i municije, načinu utvrđivanja uvjeta, sastavu, pravu na naknadu i visinu naknade za rad komisije nadležne policijske uprave u Upravi policije Ministarstva unutrašnjih poslova Kantona Sarajevo.
- (7) Komisija radi u punom sastavu i odluke donosi većinom glasova.
- (8) Kada se radi o potrebi hitnog odlučivanja, u slučaju opravdanog, dužeg odsustva jednog od članova Komisije (npr. bolesti, viša sila i dr.), načelnik nadležne policijske uprave rješenjem postavlja drugog člana Komisije, a istim rješenjem razrješava odsutnog člana.
- (9) Komisija svoje sjednice održava u službenim prostorijama nadležne policijske uprave, van radnog vremena, a po potrebi u toku radnog vremena.

Član 3.

(Poslovi i zadaci Komisije)

Komisija je, u skladu s odredbama Zakona i ovog pravilnika, nadležna vršiti sljedeće poslove i zadatke:

- a) cijeniti ispunjavanje uvjeta i opravdanost zahtjeva za dobijanje odobrenja za nabavljanje oružja za fizička lica i za pravna lica i poduzetnike,
- b) cijeniti ispunjavanje uvjeta i opravdanost zahtjeva za dobijanje odobrenja za sakupljanje starog oružja za fizička lica i za pravna lica i poduzetnike i
- c) cijeniti ispunjavanje uvjeta i opravdanost zahtjeva za izdavanje kolekcionarske dozvole fizičkim licima.

Član 4.

(Zapisnik)

Nakon preduzimanja poslova i zadataka iz člana 3. ovog pravilnika, Komisija će u tri primjerka sačiniti zapisnik koji sadrži:

- a) imena i prezimena članova Komisije,
- b) ime i prezime i adresa fizičkog lica, odnosno naziv i sjedište pravnog lica i poduzetnika,
- c) predmet rada (jedan od osnova iz člana 3. ovog pravilnika),
- d) sve objektivno utvrđene činjenice, bitne za rješavanje predmeta,
- e) dokazna sredstva (određena dokumentacija, izvještaji, zapisnici, fotodokumentacija i sl.) uz naznaku na koji su način pribavljena,
- f) zaključak o predmetu i
- g) druge podatke od značaja za postupak.

DIO DRUGI - NAČIN VRŠENJA POSLOVA I ZADATAKA KOMISIJE I DRUGIH

Član 5.

(Rad Komisije i drugih po zahtjevu za dobijanje odobrenja nabavljanje oružja)

- (1) Viši samostalni referent za oružje nadležne policijske uprave vrši poslove na prijemu zahtjeva, ostvaruje komunikaciju sa podnosiocima zahtjeva, daje im odgovarajuće upute o ostvarivanju prava, te ažurno vrši pregled zahtjeva i dokumentacije priložene uz isti.
- (2) Viši samostalni referent za oružje nadležne policijske uprave dužan je blagovremeno i efikasno preduzimati sve poslove i zadatke koji su mu propisani odredbama Pravilnika o unutrašnjoj organizaciji Ministarstva unutrašnjih poslova Kantona Sarajevo, a naročito one koji se odnose na pripremu potrebne dokumentacije koju po službenoj dužnosti prikuplja nadležna policijska uprava u pogledu ispunjenosti općih uvjeta za izdavanje odobrenja za nabavljanje oružja.
- (3) Nakon preduzetih mjera i radnji iz st. (1) i (2) ovog člana viši samostalni referent za oružje nadležne policijske uprave o tome obavještava Predsjednika Komisije koji po potrebi saziva sjednice Komisije, a na sjednici Komisije upoznaje ostale članove Komisije sa sadržajem zaprimljenih zahtjeva, prikupljenom dokumentacijom i svim preduzetim mjerama i radnjama po istim.
- (4) Ukoliko je podnosilac zahtjeva fizičko lice, Komisija utvrđuje da li su ispunjeni opći uvjeti za dobijanje odobrenja za nabavljanje oružja.
- (5) Ako je utvrđeno da podnosilac zahtjeva ispunjava opće uvjete, odnosno da mu je zahtjev opravdan, Komisija će to konstatovati u zapisnik i u okviru zapisnika donijeti zaključak o upućivanju podnosioca zahtjeva da u zakonom propisanom roku dostavi dokaze o ispunjavanju posebnih uvjeta za dobijanje odobrenja za nabavljanje oružja.
- (6) Ako je utvrđeno da fizičko lice, podnosilac zahtjeva, ne ispunjava opće uvjete za dobijanje odobrenja za nabavljanje oružja, odnosno da zahtjev nije opravdan, Komisija će to zapisnički konstatovati, zapisnik će se dostaviti načelniku nadležne policijske uprave na nadležno postupanje.

- (7) Ukoliko fizičko lice, podnositelj zahtjeva, dostavi nadležnoj policijskoj upravi dokaze o ispunjavanju posebnih uvjeta, Komisija će na svojoj sjednici konstatovati navedene činjenice u zapisniku, te će ovaj i zapisnik iz stava (5) ovog člana dostaviti načelniku nadležne policijske uprave na nadležno postupanje.
- (8) Ukoliko je podnositelj zahtjeva pravno lice i poduzetnik, Komisija utvrđuje da li su ispunjeni uvjeti za izdavanje odobrenja za nabavljanje oružja te će utvrdene činjenice konstatovati u zapisniku, koji će se dostaviti načelniku nadležne policijske uprave na nadležno postupanje.
- (9) Ako je utvrđeno da pravno lice i poduzetnik, podnositelj zahtjeva, ne ispunjava opće uvjete za dobijanje odobrenja za nabavljanje oružja, odnosno da zahtjev nije opravdan, Komisija će to zapisnički konstatovati, te će zapisnik dostaviti načelniku nadležne policijske uprave na nadležno postupanje.

Član 6.

(Rad Komisije i drugih po zahtjevu za dobijanje odobrenja za sakupljanje starog oružja)

Komisija i drugi, povodom zahtjeva za dobijanje odobrenja za sakupljanje starog oružja za fizička lica i za pravna lica i poduzetnike, analogno primjenjuje odredbe člana 5. ovog pravilnika.

Član 7.

(Rad Komisije i drugih po zahtjevu za izdavanje kolekcionarske dozvole)

- (1) Komisija u postupku ocjene ispunjavanja uvjeta i opravdanosti zahtjeva za izdavanje kolekcionarske dozvole fizičkim licima utvrđuje ispunjavanje dva uvjeta:
- da podnositelj zahtjeva posjeduje najmanje 10 komada različitog registrovanog oružja i
 - da podnositelj zahtjeva raspolaže prostornim i tehničkim uvjetima za smještaj i čuvanje, kojim se obezbjeđuje da oružje i municija ne dođu u posjed neovlaštenih lica i ne ugroze bezbjednost ljudi i objekata.

- (2) Prilikom utvrđivanja uvjeta iz stava (1) tačka b) ovog člana Komisija primjenjuje odgovarajuće odredbe Pravilnika o smještaju i čuvanju oružja i municije.

DIO TREĆI - PRELAZNE I ZAVRŠNE ODREDBE

Član 8.

(Ravnopravnost spolova)

Gramatička terminologija korištenja muškog ili ženskog roda u ovom pravilniku podrazumijeva uključivanje oba roda.

Član 9.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 01/2-05-4031/18
06. jula 2018. godine

Ministar
Vedran Mulabdić, s. r.

Na osnovu člana 21. stav (2) tačka e) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i člana 80. stav (1) tačka c), a u vezi s članom 16. stav (3) Zakona o nabavljanju, držanju i nošenju oružja i municije ("Službene novine Kantona Sarajevo", broj 1/18), na prijedlog policijskog komesara, ministar unutrašnjih poslova Kantona Sarajevo donosi

PRAVILNIK

**O PROGRAMU OBUKE I NAČINU
OSPOSOBLJAVANJA ZA PRAVILNO RUKOVANJE I
POZNAVANJE PROPISA U VEZI DRŽANJA, ČUVANJA
I NOŠENJA VATRENOG ORUŽJA**

DIO PRVI - OPĆE ODREDBE

Član 1.

(Predmet)

- (1) Ovim pravilnikom propisuje se program obuke i način osposobljavanja za pravilno rukovanje i poznavanje propisa u vezi držanja, čuvanja i nošenja vatrenog oružja građana koji podnose zahtjev za izdavanje odobrenja za nabavljanje, držanje i nošenje vatrenog oružja (u daljnjem tekstu: građani) koje provode:

- Komisija Ministarstva unutrašnjih poslova Kantona Sarajevo za provođenje obuke i polaganje ispita o poznavanju propisa koji se odnose na držanje, čuvanje i nošenje vatrenog oružja (u daljnjem tekstu: Komisija) iz člana 16. stav (1) tačka a) Zakona o nabavljanju, držanju i nošenju oružja i municije ("Službene novine Kantona Sarajevo", broj 1/18, u daljnjem tekstu: Zakon) i
- Sportska streljačka, odnosno druga organizacija ili ustanova koja ima registrovano sjedište na području Kantona Sarajevo i ispunjava propisane uvjete za provođenje obuke i posjeduje odobrenje Uprave policije Ministarstva unutrašnjih poslova Kantona Sarajevo (u daljnjem tekstu: stručna ovlaštena organizacija) iz člana 16. stav (1) tačka b) Zakona.

- (2) Pored navedenog u stavu (1) ovog člana, ovim pravilnikom propisuju se i imenovanje, sastav, način rada i naknada za rad Komisije, trajanje programa osposobljavanja, način prijavljivanja polaganja ispita i izdavanje potvrde o položenom ispitu, troškovi osposobljavanja, vođenje evidencija, posebni uvjeti koje moraju ispunjavati stručne ovlaštene organizacije koje se mogu baviti obukom o raspolaganju tehničkim znanjima za pravilno rukovanje oružjem i druga pitanja od značaja za navedenu problematiku.

Član 2.

(Pojmovi)

Pojedini pojmovi upotrijebljeni u ovom pravilniku imaju sljedeće značenje:

- "Streljište za obuku" je civilno streljište, odnosno otvoreni ili zatvoreni objekat (streljana) namijenjen sportsko-rekreativnom gađanju i edukaciji koji ispunjava tehničke i sigurnosne uvjete za upotrebu registrovanog ili prijavljenog oružja.
- "Oružje za obuku" čini vatreno oružje one vrste za koje se sprovodi obuka sa odgovarajućom municijom.
- "Nastavna sredstva za obuku" čini oprema neophodna za sprovođenje obuke u skladu sa Programom (mete, municija, antifoni, sredstva za čišćenje oružja, zaštitne naočale i dr.).

Član 3.

(Ravnopravnost spolova)

Gramatička terminologija u ovom pravilniku podrazumijeva uključivanje oba spola.

DIO DRUGI - POZNAVANJE PROPISA U VEZI DRŽANJA,
ČUVANJA I NOŠENJA VATRENOG ORUŽJA

Član 4.

(Sadržaj Programa osposobljavanja)

- (1) Program osposobljavanja o poznavanju propisa koji se odnose na držanje, čuvanje i nošenje vatrenog oružja (u daljnjem tekstu: Program osposobljavanja) sadrži:
- upoznavanje sa odgovarajućim odredbama Zakona, a naročito: